

趙秋

詩集

掃葉山房發行

PL  
2705  
.A5887  
v.2






JUN 1 / 2001

飴山詩集卷之六

觀海集下 古律雜歌詩六十二首



青州趙執信

與馮信州躬暨夜話感舊

空村萬木號寒雨坐來歇秋燈照病顏各已生華髮庭軒颯以清壺樽偶然設  
豈知故鄉親有似天涯客十年異出處相望若秦越心依玉山雲夢斷金門月  
欣逢水聚萍惜別風振葉人生離合情且與盡今夕鵲驚三匝飛鵬去六月息  
何處與子期神州有銀闕

馮文毅公別業古柏

公今遊戲仙人鄉手折若木攀扶桑却揮龍騎返故里碧鬣蒼鱗欲飛起化為  
老樹當庭蹲排突雲窟盤山根要將直幹留天地豈為清陰覆子孫我來俯仰  
三歎息何必新甫之顛錦官側吁嗟乎門前幾日不霜風君看萬柳何顏色  
題信州所畜白鸚鵡

自愛晴窗理雪衣霜風還為下簾帷情知舌巧王孫喜不向金丸落處飛

題按山圖卷

深山窮壑妖所都帝遣丁甲行天誅飛廉屏翳豐隆俱鬼獍神怒爭前驅戈矛  
霜耀森旌旗彼主者誰提鹿盧金甲錯落鬚眉粗前伏帖息為於菟何不乘之  
趨亦趨却跨兩鬼如愁胡雜還萬眾飄風徂蟻視蛇虺鼠熊羆割胃碎首不須  
史立使幽險成夷塗窮窵巖洞中紆徐猿猱狐狸相與娛炫服麗質人無殊新  
妝盈盈施粉朱徂公醉倒笑語扶我冠墮地猶狂呼大罰降矣何其愚死且不  
悔可歎吁巨蟒修鱗千丈軀舉頭倏忽排雲衢掉尾已斷將焉逋黑螭拳縮甘  
就拘潛飛無計空牙鬚倪視水溼羞蝦魚禹鼎象物良非誣烈山焚林勞朕虞  
未抵神力工掃除閭闔巍巍臨太虛清問下逮知民瘼山川永奠人安居麒麟  
鳳凰豈竟無問君胡然為此圖

途中雜感二首

龍腹龍頭誰是非名高容易與心違千秋皂帽比肩者只有仙人丁令威  
上天入海事虛無縱飲東方計未迂借問金門名業在都將分付牧豬奴  
野行訪文王學不遇



秋田泥活活野路半分明露下麥初茁烟中人自耕溪沙夜牛跡村舍午雞聲  
悵悵林扉寂幽人不出迎

不得遊九仙琅邪諸勝留別王汝敬汝謹兄弟

結願苦不遂吾生難自任故人滿目前相對惟悲吟天寒日月逼海近雲霞深  
驅馬忽歸去清淮漸我襟淮亦名淮雲中九仙人揮手笑不禁豈意郭日山障此一  
寸心秋風浩相送却顧烟在林馬耳幸無恙盧敖期重尋

過鄭公鄉感懷

康成去已久杭稻荒書堂書帶在何許不如秋草長此間頗豐饒萬足傳魚梁  
人言管公都當羨鄭公鄉二公相視笑吾意故難量君看鴻鵠舉雲海恣翱翔  
旅宿見王子言侍郎壁間題句愴然感懷成二絕句

於今海嶠秋風候還似天門暮雨時忽憶當筵索狂飲何如敗壁讀遺詩  
廣陵弦絕竹林愁阮籍廻車哭未休千載窮途數行淚無人解道為同遊

平度州道中望東北諸山

秋風吹倦客縹緲凌紫霞赤松仙人要我去為駕白鹿青龍車羽輪飄飛不自

制始計已失秦琅邪大勞小勞遠相待回馭又復成參差明霞碧落杳夢寐玉  
女有爪羞搔爬北行度膠水惟見塵與沙晴嵐百里豁心目高望一點青於鴉  
衆山肩隨出戢戢木末爭槎枒天柱孤標倚蕭爽下笑兩髻魯始髻東來岱華  
列首室不敢加譬人名旣成無事相矜誇大澤東來獨雄傑森然列仗排高牙  
雲峰飛瀑落千尺烟光蜃氣無由遮臺殿嵯峨布空曲浮金炫碧生硤研我今  
矯首意惝恍况於抗策窮幽遐人生能幾何引領白日斜海山有約易錯過此  
中便可終來家

### 樂石水

大澤亘萬壑雪瀑生金泉飛流不東注逶迤林薄間海中有靈藥帝力不可干  
神人故相靳地氣鬱欲宣歲綈被幽谷馥郁滋長川微風引香遠暖日臨波寒  
公沙飲白鶴此事昔所傳突兀青山臺秀色明霜天我欲褰裳去服餌遂忘還  
且復進一掬塵襟倘可捐

金泉山名  
白鶴泉名

### 萊州詠古

天光盡處指神洲碧海丹霞萬里秋千古雄心百年恨三山亭北是沙邱

三山亭漢



武所築海岸有沙邱城俗亦指為始皇崩處

山行求道士谷及長生披雲諸洞處

在萊州東

曉日出海如新沐光射東方山更簇白沙已沒祖龍城青嶂猶藏道士谷我來含笑凌巔峴惟見翠樾蒼松寒山烟十里浮空碧知是披雲人煉丹

將赴萊陽道中作

姑尤二水亦名大沽小沽

松雲沙水際微徑引崎嶇天入東南海山圍大小沽人煙連島嶼風日近萊奠錯莫王猷興窮秋信所圖

萊陽雨夜對酒贈同年張伯績兄弟

高城吹角引嚴霜良夜開樽共燭光傍海魚龍多出沒方秋雷雨更蒼涼年華荏苒看籬菊身事蕭條寄醉鄉家在蓬山雲臥穩故人且莫歎滄桑

偶題

服食何心覓大還勞勞但取換閒閒要知伐木牽蘿處不向芝山向藿山

二山俱在萊陽

重九亭子山登高

仙人結亭就松樹至今松色離離青松間時復有人至惟見石壁銜清冷霜催  
客鬢不辭醉日落秋聲誰可聽仙人此際俯視笑海山亭閣雲長局

遊伯績東園

不知門徑處黃葉自成堆是爾種瓜地為余攜酒來秋風生水曲霜月轉城隈  
已遂十年約重傾九日杯

別萊陽

十日醉眠穩都忘東走迷離心忽渺渺客路又栖栖霜樹明見野城烟寒過溪  
羸驂如有戀却望郭門嘶

暮抵棲霞

秋色組青黃幽叢亂松菌晚日照逾妍空烟寒向盡山深路屈盤霜老風淒緊  
草際清淺流紆迴似相引峰開睥睨明水閣樓臺近誤疑到汪洋已見驅蛟蜃  
入郭如有獲披圖始自哂託宿碧霞端仙期夢應準

絕句

萬里海風吹片雪紫皇一笑電光開霜寒歲晚梧桐老飢鳳啾啾何處來

李詩  
孤飛



雪一片

隔清洋水見山寺寺門霜葉甚盛

斜日秋山一掩明寺門迢遞落鐘聲半篙白水千紅樹疑到櫻桃澗底行

有櫻桃澗

桃澗

福山縣就同年陳踞庵宿語次及長安故人

入門一長揖相見海山間把酒對明燭何如疇昔顏寧辭我獨醉聊與子同閒  
已結紫霞侶空懷青瑣班

對酒寄任登州具茨時久淹厯下

蓬萊主人深避客何事三秋歸未得故人却趁西風來拏舟徑到三山迴羣仙  
招我入雲去自愛掉頭不肯住拚將身計託糟邱忍使情交隔煙霧重霜深  
醉起遲惟憑海日寄相思遙憐束帶趨公府正是神山日上時

被酒贈踞庵

踞庵天性不飲而家蓄  
旨酒甚富詩才亦超

陳生意氣何卓犖每謂古人今可作餘力間出為新詩清響夏然動寥廓壯懷  
方擬凌雲烟剛膽翻令怯杯酌應緣造物忌豪雄恐爾狂酣搖五嶽我從放後

拙言詞不遣悲吟赴謠酒兵積漸亦已疲猶領偏師且前却昨攜短策逐鴻  
蒙西風吹背霜侵脚始過東武後昌陽隨處虛船自漂泊舊知不棄邀我食一  
一盤筵致珍錯徑將海國比屠門總使甘鮮換藜藿飢腸雖充如有亡意外新  
醅失前約濁賢接迹來無時強飲終羞鷓鴣杓竭來訪子之果陽但欲高歌激  
海若清樽入手忽信眉一洗胃中九秋惡怪君不飲有厚藏正似束書置高閣  
投轄便為十日歡留賓立盡千金橐寒山蕭條雲壓城缺月微茫夜傳柝聽君  
吟誦鶴唳天看我沉酣魚縱壑人生適意貴當前夢擾魂驚真齷齪常持美酒  
對故人多事祖洲求大藥

秋盡日感懷

鄉俗以十月朔上  
冢今年正當立冬

西望寒山千里秋飄飄身落海東頭壯心豈為金丹誤往歲空將玉鳥留不覺  
衣裳侵霰雪遙憐車馬擁松楸清霜事畢黃花了明日新成一種愁

久滯福山贈邑中諸君子

山城倚滄津著眼若黑子由來蘊仙靈乃有佳人士二鹿各好文一郭猶秉禮  
龐眉陳文學言必舉前史我友瑰奇姿朗抱脫泥滓雖異鄴中才頗與竹林似



見我皆歡顏迎我皆倒屣邀留散煩懣日夕醉多旨我如失林鶴飄飛不自止  
何意洪崖傳披雲笑相視尚想崑崙顛一候蓬萊市移家定未能且住為佳耳

### 始見海

洗眼看雲海前期未參差心目忽一豁神情恍四馳大地直前赴高天敝下垂  
顛波從東來神山競西移斜日萬里碧寒風十月吹半生在塢井跬步臨津涯  
蠡測亦云妄將泛將安歸玄虛倘可作詞賦猶能追

### 望之罘二絕句

誰臨青鏡晨烟鬟夕照遙分海面山傳語蛟龍守宮闕暫令仙侶住人間  
屈指秦皇勒石年雄文二十字流傳當時總遣山為碣誰向滄溟護一拳

### 題海岸小溪

沙岸圻遠海微涓先見容為憐江漢水萬里始朝宗

雪晴過海上適海市見之罘下自亭午至晡快睹有述時十月十日

今晨雪乍晴寒日升扶桑出門邀河伯東轡同眎洋昨日之罘山紫翠點水如  
鴛鴦未至二三里見人欲飛翔坐來忽復不相識迴峯疊嶂皆摧藏赫然烟靄

中城郭連帆檣疑是秦樓船歸來閱千霜又疑瑤宮與貝闕神山倒影滄流長  
飛仙驂虎豹是漾凌波光招招不得語目極天蒼黃同遊競指是海市對之使  
我神揚揚歲序閉冰雪魚龍走顛僵非時出瑰麗此遇超尋常當年蘇夫子雄  
詞自炫驚海王慙予本凡才未敢縱筆相頡頏不請亦得睹夫喜欲發狂巨川  
細流兩無拒信知大海真難量準擬還家詫鄉黨詎肯此地辭杯觴天窮人阨  
總莫問微塵大地俱荒唐客散境變滅半山還夕陽醉歸却聽暮潮上浩浩天  
風吹面涼

月夜飲酒燒蠟房贈陳康海

月滿古鏡耀潮至羣龍吟主人有玉壺屢為酒仙斟仍呼丹砂童吹火竹爐深  
一煉碧山骨遂陳綺席琛杯吞渤澥波食割蓬瀛岑不惜盡寒夜因君豁煩襟

泛海言懷

忽登萬斛舟如躡長鯨背寄身入無涯曠覽乾坤態潮動風色道棹急雲光碎  
潛隨元氣遊迴出人境外千山相簸蕩六合欲橫潰頓覺喪吾我何知齊小大  
幼安漂泊久謝傅襟情在誰發小海謳迴颿引雄檣



卽事

大雪三日十日陰窮冬坐學秋蟲吟茲遊汗漫不自解對客昌披非我心山翁折屐村徑滑稚子送酒寒更深不如却訪成連去萬里雲濤無路尋

晴日村南

朝曦上窗戶許我出村行海暎半天雪松吹十里晴溪流有歸處鳥雀盡寒聲不覺山中客遙牽歲暮情

再寄任登州

厯下亭邊秋色改明湖寒水東流海飛雪滿天不見君廻賓為主遙相待海上沈沈絕素書經時烹盡錦鱗魚請君歸掃蓬萊頂我欲丹青騎白驢

遣懷

東來作計近全非半欲棲遲半欲歸病喜賓朋同雪夜寒知僮僕尚秋衣沙鷗日久隨人狎塞雁天長背海飛

久不得家書

何許差堪解愁思清樽歛澁蛤蜊肥

大雪日簡臨庵

飛光誤我守東隅坐閱杯中節候殊蝶化寒宵渾自覺萍依絕岸未為孤辭家

見月三圓缺對雪看山半有無宿醉欲醒千日過人間何意尚迷途

赴登州留別康海

微雨牽行色離觴且對君預愁見何日不惜手輕分遠海高於岸空烟聚作雲  
來朝倚仙閣吟望背斜曛

海潮庵

萬里青蓮色虛空擁化城人隨海鳥至僧帶磬聲迎梵唄潮相應樓臺盡不爭  
登臨悟無住渾欲厭浮生

蓬萊閣望諸島歌

君不見不周崩摧地維裂東南海濺共工血千山萬山皆平沉鼃撐無力海水  
深女媧揀石煉天色餘塊纍纍向空擲落處蓬萊淺且清看當霜雪寒逾碧長  
山西接沙門長鼃磯北去凌蒼蒼牽牛滅沒見尻臂大竹小竹爭頡頏或如星  
槎墮河漢或如古鼎騰光芒魚鼃戢戢盡昂首雲霞厯厯森成行餘者瑣細不  
足數幽浮鷺立參微茫雄觀何年付高閣丹邱縣圃簷間落雲臥分明見鳳麟  
天飛真擬驂鸞鶴驚風颭碣石來銀濤連山中劃開漂搖島嶼相摩曼激盪



海底生轟雷登高望遠心易哀黃昏白日須臾催半城烟火下山路身是仙人被放迴

坡仙祠

五日登州守千秋海市詩蛟龍留勝跡雨雪滿荒祠才覺乾坤盡名將日月垂  
丹青餘想像漂泊識鬚眉島翠堆虛牖蒼綠冒斷碑仙靈幾延佇山鬼强攀追  
黯淡蒼苔氣凋殘碧樹枝壽陵歸國步鄰舍捧心姿徧選丹厓字誰為黃絹詞  
寒山公獨在坐臥我於斯酒酌滄波遠吟耽夕照遲方平有雲駕肯負執鞭期  
田橫寨詠古

骨換黃金赤驥趨何煩絕海覓龍鬚但令和氏能知玉謾道齊門總濫茅舍客  
三千兩雞狗島人五百一頭顱憑誰寄問重瞳子死到虞兮更有無

大風登海鏡亭觀潮

疾風鼓窮冬大海勢一變頓收浩漾形坐獲奇麗觀聳身列缺旁側足虬龍畔  
譬如倚閭闔下見玄黃戰波騰銀屋翻沫吼白雨亂萬靈助呼吸百怪互隱見  
東連湯谷沸北汨雪山轉恍忽掣丹厓蒼茫吞赤縣天吳本肆威飛廉苦相煽

莫測天地機但覺心目眩倍看城市親遙被丹楫美一笑險夷間吾生失憂患  
海潮庵觀出月

晚潮碧黯黯寒月金玲瓏誰持琉璃盤捧出蛟龍宮方圓隨想像根蒂生空濛  
黏雲欲飛動蘼水聊從容長風蕩千山夜色明萬重幸依繫象前得闚顧兔蹤  
披懷倒水壺揚袂拂桂叢七寶待修合相期跨星虹

食水族有名海腸者戲為口號

越國佳入空有古秋風公子尚無腸假令海作便便腹尺寸腰圍未易量

登州雜詩十首

城作連環帶嶺斜女牆三面水仙家祇緣南去人間近放盡雲山未得遮

萬松誰見俯滄流往跡銷沉不可求聽徹清鐘海生日更無人倚望仙樓萬松堂見

坡詩基址莫考望  
仙樓今為鐘樓

按圖墮地賞佳名暮暮朝朝最有情湧月亭前潮大上海潮庵外月初生

閣自巍峩山自丹惟餘碧海引憑欄更添翠樾青林色真作蓬萊頂上看蓬萊閣在

丹崖山上眼  
無竹樹相映



未榜雕牆擁達官篇章雖在姓名殘有人齒冷君知否靜治堂中李易安研屋刻

姓名多毀靜治堂題明誠守郡時故額

獅洞雲臺虛瓦石日樓風館總凋零要看烟月清真處只有宣城海鏡亭宣亭為城

施愚山侍講所名有題記

不見義輪碾碧潯連天紫電掣黃金想應堅我重來約千點蒼山萬里心東山障

竟不得觀日出

天橋潮滿進船多夜傍紅樓燐火過小海舟人曉相語當年脂水漲鯨波在小海

城內勝國時夾岸歌樓最稱繁豔今間有址存

為愛金沙出郭看一洲水段葉聲乾不須苦憶花時節君子山來有歲寒城西有金

沙泉諸以種蓮名君子洲

青泥秋染客衣新忽忽冬殘又逼春馬上迴鞭揖雲海今年許我作詩人

### 却望登州

碧水遶丹山重城雲雪間迴看身臥處真作海中間誤被神風引遠尋陸地還故谿堪枕漱仙路莫輕攀

早發沙河店是前年却廻處

過此望海惟見霧氣

沙和積雪壓村低客路曾經到此迷  
三載迴環貪碧海半明行李信黃雞  
東來日射山形斷北下天橫霧陣齊  
破浪雄心渾未愜乘風更問大荒西

### 說海

我本滑稽雄平生喙三尺偶窺白玉京  
誰假青雲翮空為舍人憎豈得紫皇惜  
鍛羽投故巢古在嗟無益故巢富林木  
亦復饒山石木使人恆寒石使人恆瘠  
非無清冷對未足蕩心魄笑談苟不舒  
天地亦云窄昨過北海頭視聽忽開圻  
茫茫造化形有與無相積日月避路行  
陰陽勢常隻九州巨浸中飄漾若一席  
蛟龍所棄遺今古爭窟宅空濛倏變現  
世界生厯厯真妄理無殊觀者自燁赫  
迴頭閱人間何處為陳迹歸來每注目  
恍惚雲濤碧庖言貺好事竊比談天客  
臨觴決百川向若寫胸臆寧惟引君醉  
更欲取我適



飴山詩集卷之七

青州趙執信

鼓枻集上 古律雜歌詩一百八首

別興

對酒不辭飲浣此湖海襟請看石上泉中有萬里心  
我性愛煙水乘秋恣所尋  
三江連五嶺浪漫問知音

秦山下作

昨行秦山東白雲翕天門但疑霄漢近豈謂岡巒尊  
今晨路南轉北面朝丈人  
秋風生西極萬里開朝曦披豁盛大容擺簸雷雨痕  
洗然耳目目前赫矣神靈存  
兩觀耀日月指顧引越秦三溪鬱參差秀色相吐吞  
左暎萬碧瓦松柏晴猶昏  
禪亭久無沒輦道方增新石擁千尋壁瀑布懸天紳  
冉冉水簾垂一一白鶴馴  
噴薄水玉碎騰攫蛟龍伸誰掬滄海波濯此青嶙峋  
匡廬抱銀河失意空南奔  
眇茲嶧與蒙亭亭復云云我如蓬壺士意外睹九閭  
歲鬼但睨視虎豹無輕嗔  
平生幾緇屐咫尺慚逡巡終當結茅宇長與神房鄰

天紳白鶴水簾皆西溪瀑泉名數十年來今為最盛

東阿縣哭故同年房舍人

滿目惜離羣秋風不可聞魚山才識我黃石故非君往事庭中草前期水上雲

遙憐有新契子建接荒墳

昔在長安每以庭中花草見遺

穀城山咏留侯

秦皇殪六王按劍坐虎視收兵作金人天下心俱死子房貌婦女起揮報韓椎  
萬乘盡辟易祖龍喪天威却顧發難徒狐鳴豈足道智傾垓下雄氣斂圯橋老  
功成何淡蕩濟北遠相尋奇傑丈夫節委蛇君子心悲哉韓淮陰胯下同一趣  
終思蒯生言不從赤松去

陳思王墓

大雅此邱阿千秋寄恨多名非賓客借才自父兄過雨暗狼屋樹風生馬頰波  
靈祠傍神女作賦問如何

微雨登舟留別相送諸子

雨隱官柳暮西風為解維驪歌隨棹發帆影帶雲移秋水正空闊閒身易別離  
天涯說相識從此屬篙師



自張秋漾舟至濟寧卽事口號四首

閒倚檣竿學榜歌，脩然身世入漁蓑。  
無端一夜孤蓬雨，比似山窗聽更多。  
天和遠水共冥冥，司業清歌落洞庭。  
斜日登艫望秋色，君山何似蜀山青。  
黃公墟近同遊遠，消息難憑可奈何。  
分水津頭逢汶鯉，南書多定北書多。  
湖堤新漲不分陂，船滿城陰放溜遲。  
半夜月明聞笑語，江南江北兩迷離。

泊南池

雨過城隅淨，分明杜老詩。  
停橈就森木，況值晚涼時。  
秋淺風生細，湖平月上遲。  
相逢無白也，何處說襟期。

太白酒樓歌

高樓勢與泰岱平，樓邊夜夜耀長庚。  
仙人猶似戀陳迹，長援北斗東南傾。  
當年賀監早相識，長安論詩青眼明。  
金龜換酒定何許，酒家恨不傳其名。  
任城地好富水木，憑高縱飲神崢嶸。  
當時我若接杯斚，豈復于公為後生。  
今來隔水望丹陵，墓碣礧北殘松積。  
蘚荒碑亭雪泥鴻，小半漸滅雄名空。  
自馳風霆文章故，是

身外物敢與麴蘖相爭衡文章殉人酒殉己此論雖創堪服膺舒州杓力士鎗  
公昔與之同死生我亦欲與尋前盟重來大醉槌黃鶴吾言不食星辰聽

昭陽湖行書所見四首

湖上人家無賴秋門前水長看魚遊當窗莫賒西風網時有行人來纜丹  
白波如沸浸溝塍木黍菰蘆互作層棹入青蒼前路夕半規秋月起魚罾  
屋角參差漏晚暉黃頭閒緝綠蓑衣倦來枕石無人喚鶩鴨如雲解自歸  
微子山頭隱曉霞濕雲濃壓峭帆斜迴風忽皺平湖水雨立船舷看浪花

泗上亭

漢祖遺墟古道旁秋波東去管興亡驪山氣向沙邱盡泗水雲連芒碭長豪吏  
寧知季成事沐猴安得帝歸鄉賈生漫會歌風意前席無緣問四方

大堤歎

大堤宛宛蛟龍形長偃通津驅不去夜來風雨天河翻一半隨波忽東注畏佳  
失勢常恐傾尺土猶使殘黎爭縛茅編荻學蟻聚十里喧喧歌哭聲堤邊村落  
由來少况遇洪濤迹如掃雞豚兒女未全漂相喚相牽此相保秋陰茫茫晝不



分遠堤時有雷霆奔桑田若復變滄海天大神州無去門年年築堤不作力今  
日堤頭留一息督河使者不煩催來歲築堤如築室

新晴過駱馬湖

日射曉帆紫始憐湖上晴持篙雄意氣撥柁碎波聲樹動風偷轉雲飛鷺遮明  
故鄉沂泗水從此送南征

渡河

濁波騰颯轟雷吼百萬驚龍盡東走片帆巧坐西風頭眼瞥弦開箭過手長年  
輕趨空自誇山翁變色愁且嗟借問高人長嘯意正臨秋水誦南華

清江浦書事二絕句

一夜盲風破碎秋家家十口寄船頭遊人錯會年來慣笑指黃河入戶流  
陌上洪流失舊津長鯨雪齒競甘人似聞漢帝乘槎使翻託微波近洛神

淮安城西泛舟

名城銀甕西數頃碧波璨丹上平橋迴波銜雉堞低秋林空露杪夕照不分堤  
他日懷今雨杳塵撲馬蹄

高郵

不見秦淮海煙波恨不平空餘半鉤月猶照覆盂城柳帶平阿暝珠涵覺社清  
扣舷歌楚些浙瀝動商聲

夜泊揚州

雨過江城半夕曛維舟就夜思紛紛碧波送客忽千里明月迎秋剛二分亭榭  
誰家堤畔柳煙花南部海西雲浪遊莫問前朝事付與濤聲浩蕩聞

渡江

曉霽開江路秋風動海門波濤天不極丹楫道斯存遊子苦無著榜人相與言  
地吞三楚盡水汨百川渾帆席輕雲颺船渴驥奔烟姿媚南服山意改中原  
時事歌黃鵠佳期望白蘋逃名終泛宅浪跡莫招魂荷衣前製澄清志漫論  
祇應羨詩老謂阮持節問岷源

望金山

窈窕凌波姿合在中流住臺殿勢難安參差欲飛去天龍謹護持日日濺花雨  
翻疑妙高顛上接諸天路憶曾望神山但見濛濛霧巨鼇畏動移靈境欣指顧



吳榜輕可涉海潮曉方怒帆腹飽西風揮手成前度

惠山

孤壙空明外連岡翠靄間一杯分雪乳夾道指名山聞道康王谷飛流不可攀  
由來天下士脫屣去人寰

野泊對新月口占

欲飛欲落螢大明為官為私鼓吹聲溪頭月上菱角曲水面舟浮蓮葉輕

過蘇州

楚江煙雨送行舟偷得吳閭一段秋竹樹向人皆秀削山川隨地自清柔嬌歌  
軟舞時時酒貯月延風處處樓聞道滄浪有遺築故應許我問菟裘

吳江夜泊即事戲題

沽酒穿林尋遠火買魚和月過鄰船目知不及乘軒鶴得向松陵乞料錢

柔艣行

纖纖岸草蛩蛩鳴嫋嫋湖風鳬雁聲且前且却似含態乍斷乍聯如有情遙添  
野響秋山晚細入離心鄉夢短枕舷倚酒夜厭厭水闊天低烟月滿

平望舟中長句

吳淞流水清且妍，越波鱗鱗要我前。孤舟翩如來自天，微風不動舟如山。幽人  
寂坐無一言，倏吳倏越心流連。秋容十步一圖畫，爭與我目相啗。緣青林，蕭森  
出雲烟，位置有意無意間。罷亞萬頃平不翻，細雨淨綠生長川。如斯景色故不  
惡，只少碧嶂攙天寒。曾凌滄海攀日觀，下視不覺成微瀾。豈以松柏獨貞堅，遂  
欲翦棄桃李顏。我冠長劍神宇聳，曲眉嫵目遺視睎。二者正使交生憐，虬鬚蟬  
鬢皆便娟。試將我語問西子，淡晴濃雨誰能偏。桂擢蘭桡肯我延，飽看湖月秋  
中圓。

寄朱竹垞檢討村居

江村水樹淡秋煙，不見幽人思悄然。住接簪裾三殿側，近聯蹤跡五湖前。老為  
鶯脰漁翁長閒上，鷗居估客船各有彈文留。日下他時誰作舊，聞傳竹垞昔著日下舊聞  
石門縣晤吳青壇，顧詩城二同年。詩城睹然矣，青壇學道而意境殊不佳。  
詩以慰之。

語兒亭邊開竹林，故人潦倒來披襟。黃冠白髮訝相見，尊菜鱸魚秋正深。我邀



酒徒同釣艇，卿無瓠落猶蓬心。天台高高攜手去，一度石梁何處尋。

論詩二絕句

畫手權奇敵化工，寒林高下亂青紅。要知秋色分明處，只在空山落照中。  
無絃祇許陶彭澤，會得無絃響更長。若使無絃亦無響，人間悅耳足笙簧。

曉駕小舟詣西湖至昭慶小憩

塵蹤落名境，茫昧失所擇。欲尋湖山去，竟被人煙隔。寒溪一徑通，短棹破濃碧。  
由來訪仙源，必藉漁舟入。見鴨晴自散，羨行露猶滴。微微日上衣，渺渺鐘迎客。  
山僧開竹房，焚香設瑤席。斤鷄亦逍遙，崇朝且休息。

西湖

輕舟晴夷猶，湖水秋淥淨。客心與物態，曲折入明鏡。東南結秀異，江海呈清瑩。  
空含天地姿，細寫烟月性。龍潛惜不翻，潮遠波常定。盡收山色妍，豈藉朝陽映。  
林巒紛重疊，並進請主盟。始疑造物意，故遣護靈勝。寺將城錯互，隄與雲橫亘。  
那能罄登覽，且復恣游泳。水仙不可招，孤立發浩詠。幸濯纓上塵，高情託越榜。  
中秋夜與涇陽劉西谷編修吳山對月

東見千里江西見十里湖寒光欲含離蕩此秋月孤吳山秀接天月出當其前  
登高并四顧清暉滿人間遠心忽飛揚南北同一圓我來白龜越滄海君亦赤  
鯉辭秦川憶從燕市別九十度盈缺寧知來此地復共今夜月雄城百萬家歌  
吹方闌咽邈然山顛客一笑兩幽絕明日扁舟江上風思君獨在湖山中

飲宋聲求比部庭中桂花下

入室如山幽愛君展心晤颯然湖上秋集此庭中樹淡月漾杯空微風落香雨

晤洪昉思聊答贈

頗憶旗亭畫壁時相逢各訝鬢邊絲早知才薄猶為患正使秋深總不悲吳越  
管絃君自領江湖來往我無期祇應分付亭中鶴莫為風高放故遲

鳳凰山下感南宋遺事四絕句

鳳凰山樹夜棲鴉月識前朝天子家故國不和江在眼荒岡猶遣石排衙  
簾捲江湖紫禁清山勝良嶽是生成不知雲月芙蓉閣何似風沙五國城  
如霜瓶塔點秋陰雨洗名藍舊殿金凋盡梅亭千綠萼賸栽珠樹入仙林詩  
莫問宵分玉輦蹤觀堂香霧翠寒松却教詞客閒支枕聽徹三茅觀裏鐘



雨中錢塘江登舟

息棹六橋曲西湖不我留徑去勿返顧  
趁此江上秋八月天宇廓十里風力道  
潮如萬山雪胥怒殊未休身非弄潮兒  
疾呼轉船頭蕭條飛雨來洗我懦與羞  
西南江山麗可以窮討按坐攬雲木秀  
臥挹沙水幽宵為漁浦濟明追康樂遊

富陽道中

煙含富春郭雨潤赤亭山  
矯首短蓬底秋風凋客顏  
蕭蕭楓柸暮中有屋廬間  
遙羨幽居者清江照閉關

嘲同舟樂翁

罷酒顏不改先霜鬢更寒  
沙頭小蹲立真作白鳬看

桐君山

仙人偶休息名與此山分  
何不隨黃帝而來臥白雲  
荒亭留鶴怨遠浪感龍文  
好去空巖畔栽桐長對君

桐廬

煙裊寒山似在空  
三江合處碧濛濛  
迴丹忽入樓臺影  
無數人家秋雨中

富春山下口號

浮家水愛按藍色垂釣山依疊翠屏到此偏宜棄官職前身恨不妙丹青

嚴先生祠墓

先生高臥耽江山下見漢火燔復然直鉤而釣心悠閒一朝蒲輪賁空谷直上九重企兩足麻屨戲閣天子腹帝座巍峩不少傾千秋此帝容客星潛光歸去天冥冥遺祠正對高塚開雲林烟水清無埃原陵荒草誰低徊

卽目

木芙蓉發江之濱鏡中溪女明妝新客心無賴望楓樹樹裏畫眉啼向人

雨登八咏樓臨雙溪聽彈琴

登樓懷八咏俯郭見雙溪梁日不可接越吟空自悽江沉寒雨淨山入暝烟齊此意憑誰領清琴有客攜

阻雨不遊金華洞金華明府鹿友兄為言三衢山中有仙人樓閣居絕壁上人跡不可到而望之甚真近亦每施丹采余心異之乃記以詩

神山樓閣難近傍魚龍就海摹其狀天風亂捲入雲烟剎遣人間道虛妄羣仙



大笑憫愚頑顯以靈通布疊嶂飛簷下視白日流洞戶重開翠微上不知厥地  
誰主宰不知厥宅誰營叔構造知用何材木執作知用何工匠為依帝所宮闕  
形或倣世中屋廬樣傳聞藻繪屢增新豈有塵氛得遮障丹房紫翠出寰區咫  
尺金華庸敢抗赤松定已久移居故洞石羊兩相向我從早歲佩豁落幾抱殘  
書按脈望二勞曾乞紫霞餐萬里終持綠玉杖攬身何日排青冥揮手同時謝  
讒謗待兄扣壁喚初平遙見松扉一鶴颺

自龍遊至衢州雜感四絕句

石子爛斑界穀文凭舷弄水到西曛溪山合讓嚴陵好祇愛今朝不受雲  
每聽灘聲憶鼓鼙張公端是稱鬚眉于今姑篾餘秋色不見西風掣大旗  
人間勝負能銷骨仙客遲留只爛柯樵叟歸來應有語可知無奈斧斨何  
白首清風琴鶴俱千秋作計信公迂都來鶴瘦琴材薄直得兒孫一飽無

泊常山明日將山行

北客南來擲馬鞭漸于水宿得安便忽逢楚越相參處無數青山阻進船麋鹿  
定尋筇杖約鳬鷺猶傍柁樓眠此身牢落如秋色不擇江風與嶺烟

生竹兒子中戲為其狀

逕紆萬重雲身寄一片木知我不能緣橫施兩竿竹擁腫甍裏石睢盱籠盛鹿  
宛披山海圖穿冒下垂足林風吹蹢躅世路悲卷局却憶故園秋黃牛牽碌碡  
泊廣信懷馮三躬暨

高溪碧玉流石瀨憂我舟偶隨豫章客欲向彭蠡遊江湖本無主客遊亦無期  
夜泊信州郭忽知秋氣悲一杯亭上月獨照離憂發渺渺不能止綿綿思公子  
葛溪

曾淬芙蓉色寒波照眼明人間千莫盡天上斗牛橫刺有匡廬畔雙峯揜紫清  
擬將歐冶子西去問豐城

望仙人城

翠削四壁合空山誰定居高秋動雲物西北接匡廬雅意仙城主神官不見除  
醉邀弋陽月飛夢入清虛

九日舟中無酒對月放歌

我不為劉寄奴六軍大饗陳羹羹又不為孟參軍龍山風高帽落雲獵獵百萬



齊俯首蓋世勳名一杯酒窺竊神器稱王公齟齬自古非英雄元子鬚如蝟毛  
磔絕倒謂有如此客是兒不死更數年宋公應輸捷足先坐中俛仰供嘲弄寒  
賤依人殊可憐丈夫失意江湖上別有重陽發幽賞牽船就岸暮到家何妨無  
酒無黃花况復林間故人在娟娟寒月生天涯月照昔人空已矣默看時節東  
流水獨食陰氣御霜風不放清光懷袖裏

江岸竹林板屋石路下屬注目者久之

修竹連江色誰家屋數椽翠侵簷側出烟沒徑空懸耽隱思投足乘流不繫船  
遙知俯視者亦羨我悠然

晚陰舟行

空波與淡月漫漫同一白長年與遊子泛泛同一客漁火起微茫沙禽驚格磔  
前山如雲屯獨樹作人立我行數千里攬此秋暝色浩歌合重陰天地了不隔  
何事楚三閭長悲俗迫阨

彭蠡湖

顥氣中流轉烟光四周遭層波碧離離秋色寒溔溔冷然來風遊託身任毫毛

仰觀天垂幕旁見林露梢山移舟向背日蕩心飄搖北望千帆走燦若組紉交  
五老雲外笑人世心魂勞我但唱小海君其歌大招

望匡廬不可見

香爐烟散半湖雲舟入荷陂磔水又分却羨沙頭雙白鷺潛隨明月過匡君

野岸疎籬始見黃菊

目愜重陽後黃花倍有情雨畦留駱賞柳徑得陶清背櫓看鄉縣傾杯隔弟兄  
誰知秋向盡初訪豫章城

微雨登滕王閣望西山

秋明帝子閣雨起真人山乘高掃雲霧江動襟裳間孤鷺時自飛珠簾誰復懸  
驚風送林響浦漶蕭蕭然我從帆檣中直擬鸞鶴顛倦目極縹緲遠想窮清寒  
昔人文字名幾隨劫火烟豈如洪崖并玉雪長琤潺偶陪湛露遊長嘯終來還  
日夕見州郭世塵縈苦顏

南昌雜詩八首

梅仙禮斗壇



舊觀秋深北斗寒嶺雲長目擁仙壇不因老尉焚香拜爭得元公旋席看謂王并隨

斗柄而生

### 孺子墓

欲致生芻意轉哀思賢亭沒雨荒苔諸侯滿眼俱懸榻遮莫南州高士來

### 鐵柱宮

聞道神功此地偏靈池八鎖尚森然潛蛟不起江湖闊野客閒吟寶劍篇

### 翻車徑

許真君  
仙人事

攬轡埋輪非我徒酒樽詩卷世何須從今便覓鉏犁去準擬仙山學佃夫

### 寫韻軒

好婦相隨便作仙書生的有夙生緣可憐十載鍾陵市費盡人間買韻錢

### 昌黎碑

千古韓碑付渺茫子安雄據少年場盈川已負同時恥至竟吹噓荷馬當

### 蘇圃

張德遠云雲  
卿今之管樂

虎帳酣眠是壯猷故人龍臥隔三洲爭教管樂輕相笑大有人呼作武侯

東湖

不見陳陶栽紫桂漫從徐俯釣金魚更聞蘭若龍沙北  
龜策何年為卜居

江上逢鄉人歸

霜楓落葉暮江頭南信風飄北水流浦外漁歌催短景樽前  
齊語起離愁三秋獨送還家客萬里仍依上瀨舟好去津亭  
問殷羨何妨聊作寄書郵

夢大木

本自長相憶非因夢始明如何隨落月迢遞到豐城劍沒  
星虹氣秋添故舊情壯心與離思催看二毛生

夢迴

萬里烟波八尺舫夢迴客意更蕭騷江聲夜入枕衾急帆  
影曉參雲月高白雁風來迎翡翠黃桑葉盡熟葡萄南天  
闊遠秋搖落歸去酣眠對二豪

吉水咏雁字

戲海遊天得幾迴家雞野鷺任相猜山陰道士無由換持  
地文江照影來

廬陵感懷先叔祖觀察公昔巡湖西發奸靖寇著有異政  
實駐是郡矣



霜凝沙渚白於銀，敬棹澄波門獨愴。  
神夜火不教驚過客，寒廳無地問詩人。  
功成寂寂江山色，去後騰騰戰伐塵。  
為道九京荒宰木，還應三戶泣遺民。

無風沂江崇朝十里忽得千風快然成咏

欲知舟上瀧，譬若魚升木。因循日高春，跌宕水一曲。  
欹岸黃葉林，諳數參差屋。翻疑曰下山，苦戀蓬際日。  
何來快哉風，徑為帆鼓腹。又如絕塵馬，或是避弦鹿。  
奔雲亂鶩鶴，碎浪喧琴筑。列候爭送迎，顧揖不暇矚。  
榜人嘯間逸，余亦謝拘束。濯髮有渠流，何心誚暘谷。

小泊萬安

帆落魚梁北，前山合萬重。遙知欲惶恐，且復此從容。  
郭靜聚洲鷺，灘長吟峽龍。五雲不相借，獨去採芙蓉。

丘雲閣在江渚隔岸為芙蓉山

惶恐灘口號

斜陽一線繫金船，鵝軋橈聲尚滿川。  
何處人間不惶恐，羨他高雁入青天。

行十八灘中

灘行日百轉，轉轉山四圍。寒流中屈曲，鬱怒不自持。  
秋凜肅殺威，陸發龍蛇機。

迴風地底來雷雨皆倒飛亂石勢騰攫擥惡各異姿似嗔舟船逼列陣前相追  
篙師工避就色授頤指揮蓄力爭毫髮同心生坦夷遊人閱奔峭快意耽幽奇  
秋雲搖水壁杉竹森下窺弄波情無極棹月願猶違夕陽駐西嶺為我延清暉  
晦泊大河口灘行三日矣  
豈意隨漁父他鄉斷送秋炎雲浮庾嶺清漲阻虔州征雁寒呼客跳魚夜打舟  
自憐同贛石宿留遍中流

十月朔日雨中即事

峽雲壓船如連屋半夜灘聲攪眠熟天明坐失鳥影翻林靜送聞鳩婦哭起看  
曆日一招悵暗數蟾光幾盈胸故山此際正荒寒萬竅號風搖北陸祝融南紀  
肆炎威餘力猶能庇草木雨師附熱走且僵為致廉纖洗濃綠黃楊烏柏氣鮮  
新蘆隴杉岡烟斷續凝妝乍愛紫豔垂避濕還憎白鳥簇水程和緩衣裳宜歸  
夢生疎歲時速心期飛步羅浮巔荷笠披蓑杖筇竹四百三十二峯青晴望超  
然雨亦足

發贛州數里阻雨野泊



峭帆濕落鬱孤西十里彭江咫尺迷却坐荒波愁渺渺真成久客耐淒淒有情  
白鵲雲偏暗無賴黃茅瘴易低遙羨青鞋拄杖去梅花嶺路不需泥

咏江岸拒霜花

露浥風翻裊裊枝可憐閒澹與霜宜江妃無語空含睇妬殺天寒獨倚時

南康縣

水縈山詰曲千折到南康孤塢穿帆影迴江納夕陽風聲撼橫浦峽勢寫瞿唐  
莫問巖城戍時平漢築荒

遙見

松雲翳懸瀑遙見是何山定知會寒流赴我急棹前白龍困魚服屈曲隨泥蟠  
方共為霖雨可望不可攀所以巖栖者沉冥長閉關

南安贈逆旅黃翁

城帶寒江居者清主人白髮稱書生行來欲半地南北愛爾不知余姓名似訝  
狂夫重問訊憑將前路話分明宜城春酒名盡夜霜薄一笑出門雞亂鳴

度大庾嶺詠古

昨辭灌嬰城今陟梅銷嶺朝光未放疊嶂開一碧微茫千丈影前行岡阜紛藉  
重林間石磴垂虛空緣壁直上蟲脈脈出峽欲落雲容容獨立天風一迴首古  
來地勢東南走中原山嶽莽縱橫海微川原吞八九莫言形勝關興亡秦人當  
年此啟疆祖龍自用千軍守故吏翻稱五世王陸生行處餘幽賞伏波定後多  
來往無雁能裁遷客悲重關不隔降王長漢文皇帝一緘書神武千秋總不如  
君不見南征多少熊虎將嶺頭却祀張丞相

張曲江祠

丞相祠前古木齊舊開關路俯丹梯君王底事憂南越不遣經營劍閣西

海關開

阮初奉  
執所開

泊修仁水口對新月

今夜三楓月離家四上弦天池何處從北斗不勝懸丹楫欹韶石衣裳入木棉  
却尋過嶺路歸夢滿風烟

食檳榔戲題二絕句

猶自清水趁齒牙強含瑪瑙嚼硃砂怪來老將風前唾也點昭陽袖上花



休儒從遣笑長飢古在唯應韞秀知  
忽憶金盤盛一斛丹陽老尹是男兒

曲江咏文獻公

覽古江仍曲懷公我欲愁無心應避隼  
作扇不禁秋汗竹迷金鑑琴泉咽寂  
邱

公自題園林句  
云風泉何必琴

憑誰問風度山鬼競搔頭

野泊聞蟲鳴

不放秋聲絕冬吟聽更悲岸船相掩處  
烟月未分時故向風霜語如矜天地私  
微生吾識爾端是與矣宜

舟中觀吳德瀕江諸山

毒溪收亂流炎海縱輕裝羣山似相識  
左右獻奇狀赫如鯨波怒雲雪立疊浪  
燦如李倫豪青錦排步鄣氣鬱水木秀  
勢倚霄漢壯橫江失全照急景迷定向  
高帆忽飛動遠目屢得喪誰知英靈姿  
競進無苟讓顧望恣恢詭登臨阻雄曠  
幽巖落鐘聲結想烟霞上

讀故人王南村副使憶雪樓詩喜聞其尚在廣州遙寄

獨臥羅浮巔長憶寒門雪豈知萬里心  
空落我眉月我眉山月秋照見南海頭

故人吟嘯風颭颭問胡不行為我留我家北海側雪花大如席偶來嶺表遊亦  
作懷鄉客作客何期與子逢買舟疾下趁天風蜀江且願持為酒共醉海山明月中  
乘風渡湏陽大廟清遠三峽

急峽來奔流高風縱客舟蛾眉含意別中宿有情留斜照侵帆遠輕烟到月收  
孤懷信漂泊江海日悠悠

晚望飛來寺

寺有歸猿洞

東峯微靄西峯黑萬樹雲濃蘸江色名藍紺碧香難尋疑是飛行夜無迹佛燈  
忽閃光青熒殿角暗與船歌傾山風吹過松門去十里月明猿嘯聲

聞鷓鴣

擁棹聽南禽寒風生夕陰月黃江淡白山靜竹蕭森為客欲萬里此行違寸心  
殷勤相勸意空入榜歌音



飴山詩集卷之八

青州趙執信

鼓枻集下 古律雜歌詩一百十五首

暮抵廣州

扁舟忽南海萬里又黃昏落日動江色寒風生虎門遠鐘催蜃唱微月逗珠痕

江中有海珠石沽酒酌歸夕此波連故園

訪南村不遇題寓齋壁

故人卜居處門對碧海閒海上無心雲送我來扣關應門僮僕靜晴日棲簷端  
照見讀書室隙風亂塵編爐香寂不發庭樹寒自妍思君在何許窈窕西樵山  
雲峯七十二峯峯落飛泉遙知客中意擬謝區中緣聞當詰朝還一夕劇十年  
且復拂君牀遣夢相留連

下榻於南村氏

前守惠州築樓以書招余

他時憶雪樓頭望懸榻江山待我來今日越王臺畔客對牀懷抱為君開乳蕉  
花下風落橘荔子林中文綻梅共醉不須論往事南溟清淺易生埃

寄同年張潮州物齋余不日將詣之

潮州東去尚千里每聽潮聲空憶君遙意髭髯渾似昔

昔送張出守平樂有句云珍重殊方風霧地他

時看取舊髭髯

故披瘴癘一相聞山寒麋鹿心無主海闊魚龍氣不分報到春前多釀

酒待看官閣雪紛紛

與陳元孝王蒲衣兩處士夜坐論詩

老大兩布衣宴然當世士各出一詩卷邈矣古男子嶺南冬亦春生訝清寒起

乃是冰與雪披緇懷袖裏我行窮萬里所遇無可喜今夕忽欣然風燈落連藥

長壽庵贈石濂上人

近始浮海歸自安南

城西間磬處寂歷贊公房池聚碧海色窗分絕域香樹形龍聽法

庵有老僧病極甚奇

鶴還鄉頗愛宗風大能知楚客狂

樊檢討崑來招同劉郎中省齋梁吉士藥亭及南村元孝蒲衣雨中泛舟

小港橋

是日天大寒北風落潮早郭外霜雨深水南溪山好高賢命彩鷁狂客躡朱鳥相與寫勝情殊方事幽討寺荒花木榮地迥人烟少杯舄凌空明呼歌動莽渺



酒酣起四顧海氣橫八表諸公濟川才飛動意未了吾與二三子仙期緬雲島  
東去訪泉源青春長瑤草

過六榕精舍

門榜大蘇書遊人到不入鐘魚發妙音花藥引深室無言玩香烟我欲來臥疾

光孝寺懷古

寺有南漢鐵爐刻上柱國龔澄樞同女弟子鄧氏及大寶六年云

走傍菩提訪夙因王園鐘鼓尚清新功曹舊種訶林老丞相經臺瘴草春誰向  
曹溪分滴水還開蓮社待遺民翻憐大寶年中塔龔鄧分明是主人

題光孝寺風幡堂所藏貫休畫阿羅漢像二軸各一首

老宿寫經經在眼千偈欵隨電光轉山精灑掃倦欲眠擁篲而僂人衣冠小師  
欲語不得語微笑當庭白日午人天湛然池水空殿角颼颼幡動風  
打已何來自西竺憇足昂頭觀有欲猿公低樹如有言山僧無我何見聞一雛  
如拳綴母背非人可以人理會爾曹攀枝無損根此物云是菩提身

示善相人曾翁

入洛英姿早出塵天涯顚顚二毛新忘情未必非吾輩不相應知是至人嵇阮

形骸從土木鄂褒圖畫冠麒麟百年且作千秋語記取相逢見在身

石公刻所著海外紀遊集未竟余因以觀海詩屬之復有此贈

巨海匯東南茲惟天地藪古今相波濤萬象入涵負疑是造化源永與虛空守  
豈復世間人智力能挹取偶藉君中書頓忘身裼狗不覺荒忽形遂為耳目有  
師應異國請持杖厯南斗杯前罔象趨鉢底毒龍吼我登之采巔十月摩靈走  
貌得三神山烟雲落吾手高吟非訓和萬里互先後譬如懸黃鐘噌吰同一扣  
竭來此相見欣賞意良厚海山長嘯時却憶無斯友仙城多好事傳誦略上口  
隨時遺流布投報任踞玖別期我已卜大業誰不朽他日俯鯨波相思各回首  
與元孝南村登鎮海樓

登樓窺玄冬滿目盡江海三城颯雄風五嶺凝寒彩高天如可捫短日復誰待  
太息越王臺乾坤爾空在

朝臺

西拜心懸千步臺朶雄氣盡陸生才三門洶洶寒潮急猶應當年朔望來

朔望以



歌舞岡

岡側即南漢呼驚道

老尉高居作好春，呼鸞相接海揚塵。青山不肯留黃屋，翠羽時來學舞人。

花田

南漢宮人葬處，產素馨花，獨香。

淒迷雲雪繞昌華，盡是劉郎解語花。猶有芳香未銷歇，可憐烟草玉鈎斜。

石門泉

春風微蕨首陽山，洗耳清流亦偶然。一自沉香有遺浦，更無人解飲貪泉。

將之潮州訓別元孝

陡覺羊城酒盞空，鳴橈此去近東風。無端素友留詩別，有約春燈待客紅。山館寒梅香細細，南天輕雪歲匆匆。那堪歸夢寬於海，就裏平添獨漉翁。

元孝自號也

別意答南村

十年萬里欣相見，相見知應有別時。晨夕陰晴經月酒，江山魚雁幾篇詩。祇言渺渺他鄉路，動作迢迢隔歲期。試問雲中望桑浦，何如天半倚峨眉。

過南海廟以晚不及登呈同舟王明府

暮江激濤潮欲平，林間金碧搖空青。波羅古廟昏自扁，昌黎文光閃列星。駱越

銅鼓寒有聲祝融此時朝日靈海風颯颯雲冥冥扶胥龍魚紛送迎北人屏息不敢庭相與閉船火熒熒對語參差鄉曲情鄰舟互猜洛下生呼褚季野為荒  
僖自笑所至人易驚不如去訪朱青精天雞夜半開層城與子撒波可以行

望羅浮

昔遊東海觀蓬萊宮闕晃朗金銀開扶桑瑩枝生夜夢火輪飛破琉璃堆南紀  
羣真羨奇麗狡獪驅石鞭龍雷偷移左股置戶牖青天突起瑤石臺飛雲列隊  
引義馭欲與岱嶽爭風霾未明洞中夜奏樂瑤池半入流霞杯巨鼃伏罪坐失  
守千年斷骨霜皚皚我是安期爪棗使泉源主者無嫌猜乍可老人賜顏色敢  
向玉女通談諧擬尋松逕窺上界鳳凰去作高辛媒珍禽聯翩逐貴要洞天猶  
爾吾何哀神丹火冷竈土埋虎嗜詎敢瞋狼豺山中方靈異剌訝仙壇竹橫斜  
莫問荒村梅空明九百八十瀑不為逋客前塵埃片帆搖曳蕩寒碧長煙落日  
相徘徊江迴目徙幾圖畫持較登眺誰為佳譬如對酒不得飲且復飽玩金尊  
壘東皇大笑君休矣春色指顧生陽崖赤芝青飯久相待但欲掃灑太古苔會  
探風雨合離處袖擘海山歸去來



晚陰泊惠州懷南村

高城結愁陰我亦憶雪色寒烟斷續生  
晝暖鶴峯白美人隔層波悵望江湖夕  
孤夢耿殘燈微風聞嘆息

舟中阻風寒甚飲博羅所齋酒却寄明府王靜齋同年

別酒難成醉攜樽獨上船客過長至後  
寒逼大風前不羨高齋夜雄談動四筵  
真成狂賀監水底恣酣眠

夜泊龍川

猶有秦時縣雄名割祖龍江盤鱗甲影  
天拓斗牛封地古生新月城寒隱夜春  
欲尋老夫宅

志稱城西有趙佗宅故址山郭滿雲松

山行二首

回頭謝舟子前路入寒山徑上風中曲  
人從水面閒勝情忽飛動著脚向孱巔  
連夕還家夢依稀林壑間

嶺自秦皇闢人傳韓子來地形殘末造  
天意挫奇才薄日光難定橫雲鬱不開  
千秋餘過客失路一徘徊

長樂道中即目

雨寒山淨屐無泥野闊江分路向低井邑入雲皆繪畫田疇隨竹忽東西尋源  
漁子迷秦代買宅嘉賓誤剡谿殘臘過時春更好却防勾引子規啼

興寧縣登小舟

梅溪三尺艇相待沍寒時歲暮江山合遊人有所之傍城烟蒼茫返照水參差  
攬轡亭前路亭在縣城西澄清付與誰蒼茫並上聲

月夜泊程鄉

和月到梅州江烟澹未收落帆聞擊柝暝郭數維舟客思頻清夜波光自白頭  
遙應結幽夢仙嶂百花洲

蓬辣灘

烈風送奔灘跌宕入新險遙收百里聽近懾千夫膽林壑勢廻薄雲日氣蒼慘  
騰波盡起立巨石屢驚閃寒雷閉厚地積怒時一撼半帆舒鳥翼疾下不容掩  
迴思潁江平生羨揖師敢何必歲匆匆遠遊本多感

對酒贈杓齋



海天流素月照見故人心  
渾似中宵夢何知萬里尋  
北風催換歲南斗近低參  
離思比樽酒與君論淺深

潮州鳳凰洲

江上洲平沙水碧何年曾見鳳凰飛  
偏宜晴日望山海直上高樓當翠微  
雲際清歌人命酒春前綠草客思歸  
憑誰添取閒風景修竹滿川梧四圍

除夜雜感四首

閒身戀殘歲相守海南偏  
舊曆隨燈盡春星傍戶懸  
客愁先入醉歸夢不知年  
迢遞今宵漏送同故國傳

屠蘇連少長此夕笑顏開  
雪意低迷夜燈光晃漾  
杯坐中應道我歲盡未歸來  
萬里三更噓鄉心一倍催

南國冬多雁無因覓北書  
妻兒愁病隔江海歲華虛星斗移  
遊跡烟花近敝廬  
可能和燕燕春社咏歸興

故人為郡處留我似平生  
失意無親戚他鄉有弟兄  
年將人在再春與酒逢迎  
莫漫耽良宴來朝別有情

潮州昌黎廟碑東坡手書者久亡後人摹刻者亦毀拓齋礧石要余書之  
因繫以詩

潮陽文物區韓公實肇造至今牛斗間光焰纏遺廟湯湯意溪流鱣尾不返掉  
我我筆架峰嘉樹留他燿庭陰暎江空碑勢峽山峭蘇公振雄詞言大而體要  
仰追申呂生深契天人興衣公雲錦裳騎龍發長嘯兩公于二代日月迭為照  
陋儒肆謗譏吾意甘灑掃遊蹤接後塵適願忘絕徼殘碣手摩挹悲吟向同好  
使君苦要余炫弄娛母貌寧辭曰茅藉從被青雲笑我擬謝塵賞春風理歸棹  
孤琴南海頭寄此千秋調

寄生榕

羨爾參庭樹清陰自一隅已看礙雲日誰復辨根株

龍葱竹

池上綠修修軒窗暎更幽夜深烟月好記取鳳來遊

香螺

玉腕雪芬芳珍奇遠尚方祇應海南客大嚼傲含香



龍蝦

神龍好頭角何意落盤中莫訝爭相嗜人間盡葉公

人日韓江歸興

春寒晴壓空江水山翠雲光蕩船尾篙師撾鼓作迴颿萬里還家從此始人日他鄉人別離郊原新綠已參差遙憐沙渚多陽雁肯向東風更退飛

山行遇雨同拗齋

蠻烟烘日晝長曛菁竹穿林望不分雨逐君車何冉冉花霑客袂故紛紛同牽直北山中夢共踏窮荒海上雲梁甫春嵐太行雪不知底處勒移文

嘲嶺南梅花

芳香已是輸巖桂細碎還堪比澗毛莫更因依林處士何當刻畫鄭櫻桃  
上元日微陰夕泊惠州合江樓下李督軍奠原張燈置酒大陳百戲適聞余至遽邀登樓縱飲至二更雲散月出望江山夜色作歌

春風吹佳節忽來如我舟偶著循州東城下仰見城上縹緲之飛樓云是東坡曾居處兩江依舊前合流夕陰未散水烟起燈火欲動光幽幽樓中燿然煥霞

彩樓外候雨喧蠻謳元戎目力出賓從遙訝舟中之客狂而修招邀恐不赴豈  
知高陽酒徒酒外無能謀軒然後至忘弊陋四座匿笑居上頭連浮大白縱鯨  
吸怪語頓發談天鄒請君莫恨明月不相借故放龍騰獅舞舞照耀催歌喉恍疑  
蓬海幻冬市此身再與坡老為同遊千年境事定無別不識當時今夕有此主  
人不更深列炬已半滅月出皎若吳山秋河漢倒瀉萬里碧江山一氣晃朗不  
可求起揮雲片作帆席導我直上忍所投不然乍可錦袍同夜泛懼為白鶴唐  
突青蓮羞聊呼鼓吹送歸臥一石醉矣髡不留

隔江見白鶴峯

舊館規終老眉山此買山遊人自東望江水不西還湖上雲難問林中舍半闌  
高樓晴對處風細夕陽閒

惠州署寄南村

飽聞君作郡觸事得清新無訟多佳句為樓望故人遲來空對月近約又辜春  
吟繞堂前竹王猷我後身

遙題代泛亭

南村所築



高亭一憑眺聞道盡西湖湖闊水清淺亭間人有無拏舟何路到載酒與誰俱  
勝語名亭者他年寄畫圖

博羅訪王明府不遇口號別其二子

罷酒倚微醺歸心共海雲臨圻絮鄉語不覺字尊君

重望羅浮見雙瀑二絕句

偏傍仙山得好晴泉源雙落望分明青精生有招人意白水巖惟放佛行

春到家山憶采薇不將蝴蝶製生衣何因乞取鮑君履一化雲間雙燕飛

蝶爾可為布

再入廣州舍于南村新居

我行蟻旋磨君居鳩移巢萍流大海中浩浩還相遭初尋門巷殊漸入花樹交  
空齋識舊榻細雨清塵寮几間紛毫素屋後堆芳醪云知子當來以此為久要  
我已決歸計春風感柔條愧君惓惓意且復同寂寥同聲二三子過語不俟招  
願揮魯陽戈迴夜長為朝

聽歌口占

牢落周郎發興新管絃間對自由身早知才地宜江海不道清歌誤却人

陳山農為余潑墨作山水因題贈

太息塵埃內丹青老此賢相逢在江海為我寫雲烟雨入竹間屋風橫山半泉  
何當騎白鹿同往翠微顛

悼吳孝廉文煒山帶

漁洋未識名先著謝客相知意最親余門人謝文治為欲尋君來嶺海豈關避

我走風塵余未踰嶺山帶已入都遂於北土為新鬼何處天涯見此人歸橐強攜遺硯去

一回點筆一傷神山帶有硯在南村所以遺余

書事聞崑來檢討省齋郎中二絕句

斗大黃金付與誰春風出戶不相知都教隆準輕銷却忽憶重瞳手弄時

海門天遠困雲雷列宿沉沉氣不開已見經年淹二使虛勞中路望三台

謝石上人惠日南藤杖因以為別

彈指與師別掉頭看我去師言不相留於法本無住手中八尺日南藤隨君試  
向家山行近霑花雨留痕紫曾劃蛟宮帶水腥自憐舊是山中客青壁千重岱



宗北持歸石路聞微鏗萬里南雲疑磬聲

贈別廣州諸子十二韻

南海多君子我來嗟已遲遂令屈高士

翁山已前逝

不得作相知猶喜逢陳實蒼然

野鶴姿忘年結新契細律出雄詞舊與梁夫子金門接履綦我狂甘放斥君老

亦昌披二妙齋芳譽王生不見遺

阮翁謂王蒲衣梁王顧二妙余獨見蒲衣

卜鄰恐難徧薦士定

先誰交淡梅無豔談深海有涯五旬非夢寐千載豈差池並世真成幸同心莫

怨離重悲虎泉叟竟隔死生期

謂山帶

江上別張潮州二首

其次子隨余北來就醫

寒煙上初日雙照客淒然江水自流海春風分放船君歸教鱷徙我去伴鷗眠

揮手不得語高帆相背懸

連宵一樽酒強笑不勝傾以我思家意知君戀子情役令隨地覓梨栗肯教爭

况是關人處春深乳燕聲

佛山別南村

相逢元不意相別更無慘執手江干暮東風催上潮蜚人寒泛泛龍日雨瀟瀟

復有銷魂處清秋萬里橋

計南村今秋定至蜀矣

望西樵山却寄元孝南村

丹行甘午睡雨過起開襟  
忽與西樵對頓驚離別心  
昔來勞悵望君正快登臨  
春色碧雲峰際佳期誰重尋

雨入清遠峽

危檣中矗破天痕峽與雲波互吐吞  
欲取軍持驗坡語春江急雨水增渾

阻風泊潁陽峽中夜大雷電曉起對雨

禺陽帝子調黃鐘坐愛空山有來往

二禺祠在飛來寺內

昨朝宿霧隱飛來自笑遊蹤何

因莽峽風忽訝失前津  
潁水翻能泊歸榜孤舟萍梗仰陰崖  
敢以微軀觸固象

夜深魂魄悸崩雷  
便恐乾坤裂驚響羣龍久困快一伸  
大鼯朱鱗競騰上地窮

川嶽疑變移天遠  
鬼神畏鉤黨豈知作劇向幽人  
苦欲要遮縱歡賞曉披萬瀑

散晶明烟放千林  
動蕭爽芳春爛熳未過半  
絕壁丹青劃成兩間情留夢寄孱

顏凍雨為余洗悵  
殷勤更擬乞瑤笙徐引迴風送蘭漿

英德西郊由我眉岡至聖壽寺下涵暉谷望南山作



積雨暗江郭不知青翠濃寺門隱深竹磴道裊疎鐘北客驚春早南山為我容  
應尋讀易子人谷昔有宋持杖歷雲峯

飲周象九江干草堂題贈

不信君全別請看江上居春波洶雲雪山翠絢堦除劖石應蓬髓投竿豈羨魚  
眼中我同醉留醒與三閭

遊碧落洞

英德西十五里坡仙有詩宋人石汝  
礪居此自號碧落子著有琴齋行世

亂峰走山幽絕壁開天罅恍然金銀宮疑向蓬壺借杳冥積雲日闔闢生晝夜  
洞戶擁驚霆飛泉就中瀉虛明所照暎萬象森相射絡巖乳倒垂翼石枝交亞  
紛綸霓羽衣騰閃龍蚪駕知有世間人隔波欲前迓低徊把琴蹤雅志牽婚嫁  
揮手嶺海間茲遊獨堪詫

冒雨歸自碧落洞夜泛湓江飲酒示門人田英德及同舟諸子

雨飈仙舟似在空故教蠟炬照江紅扶筇幸不虛靈境載酒何辭信好風三月  
煙花荒徼外二更賓主亂流中州民他日傳遺事莫喚閒身作醉翁縣古英州

卽事

山城日日坐淒其打探歸期未有期更被東風作寒食當庭和雨紋辛夷

觀音巖

艤舟仰崇巖不雨露自滴躡級凌空行導火捫崖入屢轉失向背絕頂得開闢  
佛座積香烟出戶孤雲直輪囷青蓮花百丈燭江色前見萬巘崿爭頭刺天碧  
非唯閱幽峭亦復豁胃臆安得桓子野臨波弄長笛

龍頭影山別田曉山

卽英德令

分襟便作隔生期迴面輕將萬里移風雨滿江春晚晚龍頭影下獨行遲

舟中憶內

孤舟獨夜感春華鄉里牽情道里賒鳥語如人催去急刀環似月趁波斜苦將  
紅豆閒拋子遙意青燈病對花十畝暖風三徑雨幾時歸到種胡麻

韶石

君不見虞庭始成韶樂時兩階干羽何參差聲容盡善地則陋茅土未改陶唐  
遺六龍南巡恣遊放江山自獻羣靈馳蒼梧東畔湘水曲怪石林立爭巖崎攬  
天拔地三十六形狀瑰詭神所為鴻蒙鑿處試天刀歸然列此左闕右闕毬門



基是時鰥帝心顏怡顧視岳牧咨后夔胄子跼跼執器隨崇卑遠邇各有據儼然堂上堂下森等衰始作雲波四綿渺既亂風雨中合離魚龍騰踏鯨女泣祝融延竚禺陽窺坐令後世聞有飛仙語到今指似空猜疑峰駝閣鳳或變化想像當年百獸率舞鳳來儀鳴于重瞳野死竟不返不識蕭韶未奏之前此石安所施舉頭一笑天低垂吾欲飈車尋九嶷

重題二絕句

寒風夜雨送餘艎瀧吏相逢笑客忙

去冬以雨夜過韶石此曉已至曲江縣

今日歸程如有約澹

煙斜日曲紅岡

餘霞分映碧叢叢迴首迢迢望益工北客來遊須著眼當艎三十六屏風

寒食

孤蓬坐寒食猶是嶺南天江路多芳草春山見墓田岸花明彩鷁帆席入風鳶却悔鄉書誤歸期題閨前今年閏三月

江梅驛偶成

海南風物向誰誇歸去羞看嶺路斜却對梅花滿枝子人言荔子此時花

却過嶺北寄南村省齋行皆相約同

風吹歸客落千尋草色黏天蠟屐深嶺路春迴唐日迴關門雲過北偏陰羣峰故掩經行迹野水能知欲去心忽憶故人虛結伴纁黃徒倚獨長吟

南安即目

南安之俗目寒食至月晦無日無上冢者

野烟半入嶺烟橫柳颺輕風水泛晴異地看花誤時節春山有女即清明客心近北翻多感况聽吹簫日暮聲

讀樂亭吉士見贈詩戲答

玉堂故事推前輩金粟三生失後身傳語海頭狂賀老不應錯喚謫仙人

順流下十八灘

春水決連峽歸帆吞亂灘江山解人意不復相盤桓怒流如龍鱗可順不可干怪石如惡人形滅氣亦殫我身列御風舟子僚弄丸俄然鬱孤影遂著五雲端憶昨強沿汴目眩摧心肝雷霆爭寸隙性命輕微瀾人生憂樂情曠士同一觀懷哉今所易即是前所難

峽江懷古



日出巴邱半青林飛赤鳥周郎不可問古戍日荒蕪長嘯東風外春江幾舳艫  
小喬眉黛好羣玉一峯孤

南昌贈長洲孟怡園學士時亦將度嶺

一樽共飄泊聊欲說心胃試憶當時侶誰知此地逢南州新客興西苑舊行蹤  
去去尋江海春深有臥龍

百花洲

在東湖上

雨濯雲水氣春蕩葭莢烟隔城見江波愛此魚鳥閒寄言時樂翁遲我當來還  
讀戰國策戲成一絕

洛陽季子走跋跋總把金貂換得貧輸與馮生好心眼不將長鈇傍咸秦

重泊餘干溪書感

是去年九月無酒處

湖畔沙鷗覺往還又臨野岸弄潺湲三秋留恨茱萸酒兩度維舟首宿灣應有  
居人猜白舫空教新月笑朱顏青春欲盡猶為客縱伴漁樵未是閒

雨汴鄱江過貴溪

山色凝前度歸心只自迷帆遲彭蠡曲春落弋陽西急雨牽江直新林翼岸齊

蓬人問溪館沙鳥至今啼

微雨見龜峰山

弋陽江頭曉望時春山烟雨如罍棼桃花灘水側明鏡三十二峰攢黛眉

弔辛稼軒故居

擬誅辛書記中興第一流慨慷詞獨絕慘澹志難酬才駕張丞相神依謝信州  
瓢泉無恙否春水漫荒邱

上饒江中灘行

西江山水工留宿長灘飛送來遊人遊人已倦欲歸去却遣前灘阻歸路玉溪  
流波清可憐秋浮一葉何翩翩當頭春水落千丈翻似鈎梯求上天疾風倒吹  
十日雨榜人與我同愁苦江山厚意豈得忘嗟哉信美非吾鄉

新晴

新晴玉山道水樹相玲瓏啼鳥自清曉高帆當碧空灘聲掩客日麥浪逼鄉風  
且復耽吟賞芳春閨未終

雨過蘭溪却泝婺江寄金華鹿友兄



慣將砑竹作油衣，莫向桐江問釣磯。  
傳語清時灌壇令，海濱風雨一龍歸。

冒雨出金華郭行水樹中至普靜寺暮由雙溪泛舟乃返

山雲滿郭郭野水交溪，路襟鳥生遠心徒御。  
無安步南風有約來，飛雨亦爭注。  
濃綠洗分明，離離半江樹。  
新篁引徑幽，古寺聞鐘赴。  
魚鳥靜人聲，茗香延日暮。  
仍耽畫舸泛，復聽清歌度。  
燈火落高城，波光互吞吐。  
茲遊喧寂兼，夙志烟霞誤。  
縹緲牧羊人，何因展心素。

再飲查春谷廣文齋中卽事

夢遠陶家菊，半黃重來把酒共。  
清狂閒庭雨過，桐陰轉鷺粟花開。  
天夕陽

重經釣臺

嚴陵氣高潔，本自宜清秋。  
鼓柁江山曉，茫茫感昨遊。  
棟風紛嶺繡，梅雨漲灘流。  
誰把一竿竹，來披五月裘。

夜渡錢塘懷古

江深月黑夜潮上，一棹隨風還獨來。  
山折雲濤遙作障，天垂星斗自成堆。  
陽鳥似避錢王怒，東海空沉伍相哀。  
擊楫中流歎南渡，時平誰問濟川才。

湖上

重來清絕處容易惜餘春  
澄眼睛湖水如逢舊識人  
山谷動明媚柳色轉鮮新  
顧揖桐江叟此堪垂釣綸

答洪昉思吳舒冕

擬同向湖頭  
編造諸勝

雲泥蹤跡半生塵湖海襟情一夢新  
天下應無他勝地眼中能得幾高人  
鄴侯井畔封成徑伍相潮頭月滿輪  
祇合香山并玉局能將文采照千春

假寓黃氏樓在風篁嶺下

故文僖  
公丙舍

湖色分明映酒杯山樓日夕向湖開  
已拚十日平原醉故就平泉坐石來

沿湖山行至靈隱寺上韞光庵四首

東南行欲徧苦愛此湖山落手扁舟穩  
隨身一杖閒信拋空碧外獨去翠微間  
惟有林和靖春深覺往還

愔意似相要幽尋避六橋人家兼竹靜  
野徑帶沙遙湖勢迴逾媚嵐光近未消  
不須清磬引自識嶺峯窈

疏圃斜分徑松門正對泉奇峯懸異域  
積翠諠諸天粥鼓齋厨日風鈴塔院煙



無因參玉版，步履且脩然。

竹暗禽如引，苔深徑欲封。兩峰遙對雨，三竺亂聞鐘。湖影山腰出，遊人樹杪逢。西溪隔年約，悵悵付雲松。

### 湖心亭

亭開緣近郭，日日足招尋。人起隨波興，湖生避世心。秋蛇蟠處滿，春燕坐來深。偕問林和靖，鄰居耐賞音。

### 孤山

櫻桃落盡客來過，更問梅花意若何。便與蘭亭爭坐位，全勝玄墓隔烟波。天邊使者迴車遠，隄上行人飲馬多。縱使十年有歸鶴，可能重認舊巖阿。

### 飛來峰

靈峰發遠想，不傍耆闍住。萬里九霄飛，迴翔得佳處。羣山爭附從，江海亦奔注。西子解娛人，當前弄烟雨。鬼神失典守，求索滋危懼。夜遣斧鑿來，相牽就歸路。徘徊戀風月，在在迷雲樹。穿骨默無言，垂頭坐猶踞。我方息機心，輒欲通靈語。天時易遷流，世事足乖迂。遊行本取適，膠固反失據。借曰懷此都，何嫌暫飛去。

冷泉亭

珠光金色聳天關，澗響泉聲落小山。才到山門生面熟，何如却坐聽去琤潺。

靈隱後山

幽尋越禪局，相期磬心目。常令饒勝情，自與佳境屬。峰壑望忽無，蔽天但修竹。飛光玲瓏來，襟袖漾微綠。古苔上屐齒，危徑有斷續。宛轉深叢中，前後失遙矚。僧扉亦閒開，小構引空曲。清磬落窅窅，因風亂琴筑。何年列磴石，倦憩堪投足。感昔共興懷，鏤名徧青玉。攀躋疑路窮，欲却不可復。驚見長林梢，浮浮數間屋。洞天倏變現，尋丈在一掬。便合謝同遊，茲焉躡仙躅。

林盡處得韜光庵中祀呂仙

韜光庵金蓮池上茅屋三楹，遠見江海下盡西湖。杭城浮動其中極曠奧之趣，余醉後獨往得之。倚酒大書曰：直須還他第一，既而成二十韻，因留別諸子。

錢塘奇秀雄東南，城郭江海湖相參。歸墟無涯羅刹怒，雖有木郭難窮探。西湖近人逞姿首，百媚併入微波含。我曾高登鳳凰頂，左右顧盼情所耽。頗憎塵市接嘈雜，日夜沸耳聲何堪。湖樓今來成小住，浮金耀碧輸名藍。自矜坐臥得閒



靜潛臨清鏡，窺烟嵐。江神海若定，大笑爾中局。縮如春蠶提，壺曳杖赴林岫。欲  
撥幽僻供饒貪，豈知造物無盡藏。天心祕惜留深寵，盲僧俗客日交臂。但於池  
畔爭肥甘，幸偕佳士解鄉尊。倦足造次趨，沉酣披榛陟險就。破屋山靈許，我前  
生語當門。縱目忽狂叫，一洗曩昔遊人慙。波濤雲霧擁鬱鬱，樓臺烟火浮澹澹。  
竹樹前張綺繡幄，峰巒競種瓊瑤蓂。丹靑瑣碎賸可喜，付與莖葉兒童談。排空  
奮筆獨題品，直以第一還斯庵。摩賢齊聲和真賞，擬剗丹嶂藏金函。萬里茲遊  
殿奇絕，歸程無復魂黯黯。

雨泛蘇堤戲呈席上

湖雲乍湧帶輕雷，十里平波瀲灩開。慣趁斜陽拋月去，却衝飛雨放舟來。潮聲  
澎湃遙隨榜，峰影冥濛倒入杯。從此風篁清夜夢，六橋一曲更遲迴。

小西湖

翠嶽仍兩峰，碧波餘一帶。誰向西湖西，經營出狡獪。薜蘿寫堤亭，區分具中外。  
狹能增曲折，細易生容態。當為明聖笑，偏得女嬰愛。濯足望青天，世間孰者大。  
泊吳閭，遇吳江徐電發，鈇以小舟遊虎邱，共飲話舊二絕句。

江城梅雨挂帆遲，欸乃聲中認故知。却向名山重上攜，手松寮茗徑夕陽時。  
艇子飄搖似此身，深杯照影並無塵。閒評廊廟將烟水，何許堪容澹蕩人。

歸次淮安值端午觀龍舟呈閻百詩

若露楫其家秋下

五千里外轉萍蹤，重倚通明滿院松。人向日南懷霰雪，路移天北駭魚龍。詩囊  
略遣裝增重，歸興偏教酒讓濃。蕭鼓聲中渡河去，相思獨上岱東峰。



鉛山詩集卷之九

青州趙執信

涓流集 古律雜歌詩三十九首

天津喜晤老友吳天章兼贈其所主張君

走訪吳先生因識張公子能為詩人作主人此士定知不凡矣况復接坐來觸  
事皆可喜開軒解衣裳留客披圖史海氣曖曖橫庭除古色斑斑盈案几杯槃  
既雜陳談辨遂蜂起剔抉六義微錯互八法旨門外喧闐南北塵共洗清心照  
秋水老我數年來袖手復掩耳謗多固可畏才盡亦知恥胡然此相見馬逸不  
能止蓮洋詩格如蓮花引我亭亭出泥滓請君高詠結交行和我狂歌從此始

天章詩名  
蓮洋集

贈門人張逸峯 坦因呈其尊人魯庵 霖且以為別四首

攜手望秋旻此行欣識君誰知滄海月近接太山雲雅意黃花澹浮蹤白雁分  
空慙向衰暮何以答殷勤

憶與尊君友重逢廿載遙甘輸才不世豈謂謗同招對酒海空闊吟詩秋寂寥

食山言  
眼中賢子在愧我益無聊

魯庵亦罷官家居

書舍靜偏宜邀歡爾許時忘形信杯常善謔入風詩退筆欺僮父新妝玩雪兒  
殘秋足風雨別路不堪思

努力家門重清時事業優潛鱗且寒水健翻有高秋青紫君如拾方蓬我可求  
相期各珍重鶴背與螭頭

暮春太山道中遇雨

餘寒和曉色客路轉風盈五汶入春雨千山行岱雲塵消容馬健綠淨向天分  
未擬成歸夢今宵遮莫聞

晚晴過太山下

時將之江南

煙披嶽麓翠帷張雨浥春疇細草香人帶斷霞過小渡鳥衝飛絮入斜陽鞭絲  
帽影垂垂遠日觀天門望望長嶺半桃花隴頭麥肯輸物色與江鄉

自濟寧至清江浦舟中雜詩六絕句

上閘下閘春水平大船小船銜尾行橋間神鴉忽雙落堤畔官蛙時一鳴  
歷歷千艘北上天南音入耳總堪憐微風忽逼吳儂語却憶昌亭夜喚船



湖上殘秋隔歲情  
雪蘆霜樹映妝成  
漁歌喚起扁舟夢  
獨倚篷窗看晚晴  
柳帶濃烟千頃新  
年年空護錦帆春  
祇今飛絮憑誰管  
惟有隨波上下人  
虛傳銀漢接黃流  
迢遞天孫不可求  
雲錦織裳成幾許  
文星無數傍牽牛  
桃花浪落失殘春  
鷓鴣首風高阻去津  
三老慣知河伯意  
金錢偏與賽夫人

淮陰詠古

王孫無食空垂釣  
老婦相哀少年笑  
可憐一飯尚千金  
百戰功成乃爾報  
噲等再拜言稱臣  
鐘室兒女良有因  
漢廷將相差為伍  
曾是淮陰胯下人

酬張孝廉日容

大受

招同朱竹垞及吳中諸名士讌集河上新齋見贈二

首

詞場高步已無緣  
賸向江東作酒仙  
未免能為洛生詠  
何因真上孝廉船  
木中一老晨星在  
吳會諸君竹箭偏  
除却雄談似焦遂  
道余底事足流傳

見贈有十  
年秋谷流

傳體  
之句

虎頭癡點體難調  
客况猶憐未寂寥  
竹徑主人從見閉  
桃源居者偏相邀  
憑將文酒塵如滌  
何必湖山夏可銷  
魂夢勾留知有處  
綠楊風外赤闌橋

暮登金山宿海嶽樓二首

江晚潮半落鳴橈乘好風欲尋浮玉上遙過碧虛中塔入山烟澹欄欹夕照紅  
前期欣有託海嶽一樓空

秋色連江暝憑高望欲迷汀烟向山疊漁火引星低天闕捫疑逼龍宮迴得棲  
今宵孤客夢清絕海雲西

清江浦雪中飲同年楊芝田大鶴寓齋

十年相見大河干倍憶春明離別難形影似憐新解組鬢毛應笑舊彈冠丹衡  
霰雪歸猶遠門對流澌住未安老向天涯且同醉休論塵海足波瀾

讀穆天子傳

穆天子雄心局促八百祀逸氣超騰十萬里金馬蒼龍不足耽閭風縣圃遙相  
築造父總轡立手揮七寶鞭排雲躡景去不息六飛八駿爭盤旋掉鞅鳳麟洲  
濡袂星宿海幾迴大獵空大荒白狼白鹿無復在瑤池宴處天笑聲玉女三萬  
相逢迎千秋萬歲樂無極何事歸來成甫刑

久居中年暑中聞故鄉有警時



大駕西巡將至縣境卽事寓懷

縣令余同郡人懷酒與故鄉不異

鳴琴非我事一月衙齋居爛醉青州酒恣暖黃河魚洛東冬亦春花柳皆發舒似聞喧城市相與迎

鑒輿

至尊時巡遊小臣乖掃除寸心隔朝暄鼓腹慙康衢故鄉一千里消息

驚往符歸夢寒川流夜夜東北輪願傳

警蹕聲直至日出隅悵望清道塵何

因託賤軀

臘日

臘日煖於春深杯引醉頻始疑寒雪意似惜敝裘人官閣梅千點他鄉月兩巡  
簡書倥偬會閒殺未歸身

賦得病中送客難為別夢裏還家不當歸司各一首送人還青州

無病別猶難支離望去鞍贈鞭數歸路留語勸加餐好月遙同思殘冬劇耐寒  
家書憑仗寄強為道平安

不道身長客逢宵一度歸風塵從冉冉兒女故依依白晝耽眠過青春結伴違  
文書疏夢徧到日驗依稀

陽武懷古

博浪何突兀一擊動天地戶牖殊閒暇臨俎有遠意二公方困窮風尚乃各異  
量或優漢相氣欲吞秦帝席門高車集圯橋敝履墜寶玉韞已輝劍鋒淬始利  
及其起龍蛇雄長風雲際我來訪遺蹟塵外發長喟仙蹤腐儒驚陰謀道家忌  
縹緲赤松遊慘澹白登計丈夫懷抱高轉恐動名累長揖黃石公吾終從此逝

夷門

入關婁敬奉前旌姓氏誰聞魯兩生十日春風千丈土夷門獨去弔侯嬴

青龍岡北渡河口占

杏花風颭榜人歌一瞬輕舸濟大河解道險巖有安穩祇應銀漢日顛波

定陶道中即目

鈿車飛鞚亂黃塵柳拂衫襦鳥傍中看盡春風眉髻樣始憐曾有戚夫人

春郊即事

天

偶與春郊約還將酒伴行雲烟際滄海花柳過清明曲度野風裊杯衝溪月生  
醉歸天上路十里暮潮平



攬鏡見白髭一呈自題

餘春猶自愛朝暉  
鏡裏新霜點領微  
莫倚雄豪誇似戟  
空憐少壯去如飛  
鉛膏坐覺輸青鬢  
刀鐏歸應媚綠衣  
夙夕吟拈今斷絕  
從知四十二年非

篆水樓夜飲

遊目偏宜傍海天  
高樓夜賞更悠然  
流波遠作方圓折  
明月全收上下弦  
客似閒雲信來往  
杯將清漏共留連  
主人肯借匡牀臥  
坐遣蓬壺到枕邊

問津園卽事

閒園有約幾迴空  
逸興無端趁海風  
綠樹自隨人遠近  
斜陽不隔水西東  
槐陰老屋宜清簟  
蓮葉新陂待碧筒  
便與諸君常倒載  
兒童一任笑山公

五月晦夕魯庵邀登篆水樓納涼余以病目辭明日為長司奉戲且自嘲

昨暮君在篆水樓  
樓中涼冷如始秋  
我聞未往神已往  
長鬚更遣來相求  
小庭

展履忽却坐  
心與喉語空  
伊優與披海風對  
明燭寧俟夜露清  
昏眸連宵轟飲

錯賓主  
如入酒池爭  
拍浮斂眉愁  
病悲紅袖侈口  
狂怪驚白頭

咸劇不耐戰鼓正  
急戈先投  
子弟輩往往先醉  
英雄惟有使君操  
長鯨渴吻交颼颼  
丈

夫漸老身如寄，失計未是埋糟邱。但憂遇疾無小大，十指亦足妨觥籌。何況神明在阿堵，詎令巖電精光收。賓筵佐史職，不稱妖姬遺。視酬靡由縱，使當杯強成。醉羣仙應共嗤，盲修極知良時足。可惜請君此夕無朋儔，青天高懸列星在。招呼一一堪勸酬，不然言歸洞房迴。紅顰翠袖聊綢繆，文昌服藥我自忍。玉川訟月君其休，昨望日弦開輪滿須臾耳。所冀一雨生清幽，登樓風景應更好。便擬長夜窮歌謳，酒空客散初日上。與君縱目滄津流。

聞魯庵自河北移竹種于垂虹榭後奉題十八韻

愛君池上榭，六月如寒廳。連朝坐新雨，倒盡雙玉瓶。小山當戶矗，孤雲謁亭亭。微風香池荷，跳魚響清泠。四圍雜樹色，參差翠成屏。猶嫌未濃陰，不蔽白日形。衛水二十里，水濱竹青青。深叢積霧雨，新籜抽雷霆。一舸衣帶流，十竿鳳凰翎。遂使尋丈姿，入此方寸庭。君真好事者，迴斡動地靈。劇象起嶽岑，排空生杳冥。淒清高士廬，縹緲仙人局。正賴琅玕佳，一洗魚肉腥。潦倒王子猷，長日煩居停。追涼應更數嘯咏，或可聽娟娟。海天月照人，易飄零。與君卽嵇阮，但醉不用醒。

風人詩二首



莫如沙頭夢難堪一點辛不知蓮意苦爭道解蓮人  
縹得新絲縷牽縈幾許長春畦聞藥氣試與覓懷香

題家弟稼民執穀

所畫花草便面

十年山居侶草木離外荷花水邊菊閒撿歲奔品清新細草幽花總堪掬出山  
忽作塵中遊袖手昏昏滄海頭輸與惠蓮能染筆臨泉坐石寫清秋誰送一枝  
來眼底露態烟姿夢魂裏憑君傳語報池亭開到秋花我歸矣

冬日去天津魯庵及其子弟相送至遠郊留別二首

寒郊曉風日慘澹引行塵經歲忘歸客今朝獨去身可憐相送者一一最相親  
試與斯須立已傷無限神

臨岐黯無語忍泪望風埃久住渾非客忽行如未來林疎殘燒遠溪午薄冰開  
宛是相逢處春寒首重迴

飴山詩集卷之九終

YORK UNIVERSITY

JUN 1 / 2001

EAST ASIAN STUDIES





